

Domènia, 22.04.2012



Isola d' Elba

Zoruch por le iade che i ùn fat da jì jö. A Occhiobello sòn le Pò, marèna de contlujiun d' iade.

Le iade costa **zirca 390,00€** a porsona te cíamena da 2 leć.
(le cost avisa depènn dal numer di partezipanć y vègn comuniché püch dan le iade.)
Le surprisc por na cíamena da 1 n let é de 50,00 €.

Tl prisc él döt laite: le iade cun le bus, i 3 iadi cun la barca, le hotel cun gostè y cèna, les marènes y degustaziuns organisades cun les boandes. Nia laprò tl prisc ne n'é la bonaman y les spènores sòn le iade y döt cí che n'é nia chilò spezifiché.

Chi che ó tó pert é perià de **paie ite al plü tert cina ai 20.02.2012** n acunt de 250,00 €. pro la Cassa Raiffeisen Val Badia – nr. dl cunt IBAN: IT580801059130000303002314

Le rest é da paie en € (en contanc) sòn le bus da jì jö. Les prenotaziuns vèl aladò dl paiamènt registré tla banca.

Chi che tol pert mèss ester scrić ite (o se scrić ite) a òna dles Lies da Munt dla Val Badia.

Le iade vègn ma fat, sce almanco 35 porsones tol pert.

Dan le iade gnaràl cíamò menè fora na cherta cun indicaziuns menüdes sòn orars y program. Tlarimènc o informaziuns plü avisa al numer de telefonn 3406816332 o sòn www.avslaval.it



Les Lies da Munt Val Badia mèt a jì

dai **19.04.** ai **22.04.2012**

n iade al' Isola d' Elba cun escurjiuns, vijites culturales y bun mangé

L'organisaziun se rresservèia de fà mudaziuns dl program.

Jöbia, 19.04.2012



Dala Val Badia fina Montenero, dlungia Livorno. Dailò marèna y picia vijita al santuar dla Madonna di Montenero, patrona dla Toscana. Dedô inant fina Piombino, cul la barca a Portoferraio,



spo inant cun le bus fina Viticcio - hotel Paradiso.



Vèindres, 20.04.2012



Escurjiun sòn le Monte Capanne (1019m), n post dèr panoramich sura le mer, cun n deslivel da superè de 650 m sòpert. Al é incè la poscibilitè da jí sò cun le lift. Marèna fora de rucsoch. Sòn le iade da jì zoruch, vijita a na biraria a ciarcé la bira dl'Elba.



Sabeda, 21.04.2012



Escurjiun da Capoliveri sòn le Monte Calamita (403m) cun n deslivel da superè de 250m. A Calanova na marèna ala svelta, dedô cun la barca a Porto Azzurro. Sòn le iade da jì zoruch, vijita a n agriturism a ciarcé le vin dl'Elba.

